



**Fondacija tuzlanske zajednice**

**Vitalni znaci 2019**

**Konsultacije sa građanima**

**Razgovor sa članovima mjesnih zajednica na području općine Kalesija**



## Pozadina

Fondacija tuzlanske zajednice je u okviru istraživanja o kvaliteti življenja na području TK "Vitalni znaci 2019" održala niz konsultacija sa građanima fokusiranih na izgradnju bolje zajednice kroz identifikaciju stanja u lokalnoj zajednici i jačanje individualnog osjećaja odgovornosti (pripadnosti) pojedinaca za stanje u lokalnoj zajednici.

Sve fokus grupe u okviru konsultacija počele su kratkim prezentacijama istraživanja i tema za diskusiju, nakon čega su građani ocijenili svaku oblast istraživanja o kvaliteti življenja, te kroz rad u malim grupama, prezentaciju i diskusiju iznosili svoje mišljenje. Dobiveni rezultati razgovora sa građanima pomogli su Fondaciji da ispita subjektivni osjećaj kvaliteta življenja i zajedno sa građanima identifikuje prilike za djelovanje unutar lokalne zajednice.

Konsultacije sa građanima su u periodu juli - avgust, održane u saradnji sa članicama Mreže aktivnih zajednica i predstavnicima mjesnih zajednica pri čemu su dvije fokus grupe održane ciljano sa ranjivim kategorijama u društvu, sa ženama i mladima.

## Forma diskusije

Diskusije sa građanima fascilitirane su od strane FTZ tima koji je vodio učesnike kroz tri pitanja, osiguravajući prostor za učešće za diskusiju i doprinos svih učesnika. Tri pitanja na kojima se fokusirala diskusija su:

1. Kada razmišljate o vašoj zajednici, kako izgleda zdrava, vitalna zajednica?
2. Šta je dobro u vašoj zajednici? Šta funkcioniše?
3. Šta se može popraviti u vašoj zajednici?

Kao dodatak diskusiji građani su pozvani da na post itima napišu kako oni lično mogu i žele doprinijeti izgradnji bolje zajednice.

## Ocijeni vitalnost svoje zajednice!

Diskusije sa građanima fascilitirane su od strane FTZ tima koji je vodio učesnike kroz 10 oblasti istraživanja. Građanima su ukratko objašnjene oblasti istraživanja o kvaliteti življenja, te za svaku oblast su im predstavljeni dijelovi preliminarnih rezultata koje smo dobili statističkom analizom i koji se odnose na područje Tuzlanskog kantona. Kratkim opisom konteksta za svaku pojedinačnu oblast će pomoći u razmišljanju i davanju ocjene stanja za svaku navedenu oblast.

Upitnik je tražio od građana da uzmu u razmatranje i dobre i loše pokazatelje unutar svake oblasti i da daju generalnu ocjenu stanja u svojoj zajednici. Za svaku oblast u upitniku je ponuđeno nekoliko osnovnih, preliminarnih podataka koji govore ponešto o stanju u navedenim oblastima.

Učesnicima diskusije podijeljene su kartice sa označenim vrijednostima iz upitnika, a nakon što je prezentovana svaka pojedinačna oblast, dizanjem iste učesnici su ocjenjivali vitalnost svoje zajednice.

Tokom diskusije o oblastima istraživanja učesnici su imali priliku dati generalnu ocjenu stanja u svojoj zajednici.

Naime, u okviru istraživanja tokom jula 2019. godine, građani TK su imali priliku dati svoju subjektivnu ocjenu stanja u zajednici putem upitnika koji je bio istaknut na internet portalima u gradovima na području TK.



**Datum: 18. juli 2019.**

**Oblasti za diskusiju: Rad, zapošljavanje, ekonomija i poduzetništvo, te Zdravlje i rekreacija**

**U saradnji sa: Mreža aktivnih zajednica i Općina Kalesija**

**Lokacija: Općina Kalesija (MZ Kalesija Centar)**

**Broj učesnika: 20**

### **Sažetak diskusije:**

Zbog značaja ovih tema i interesa koji za njih vlada u zajednici, diskusija je urađena sa zajednicama općine Kalesija koje su članice Mreže aktivnih zajednica, kao i sa zajednicama koje nisu u Mreži aktivnih zajednica, što je omogućilo raznolikost prisustva predstavnika iz 14 različitih mjesnih zajednica.

S obzirom da su učesnici predstavljali različite tipove lokalnih zajednica koje se suočavaju sa različitim potrebama i izazovima u izgradnji bolje zajednice, tokom diskusije istaknute su određene razlike u trenutnom stanju i težištima za napredak. Nakon što je predstavnicima mjesnih zajednica predstavljena svaka od oblasti istraživanja, ocijenili su svaku oblast po subjektivnom nahođenju, te se detaljnije raspravljalo o dvije oblasti istraživanja od koje zahtijevaju društvenu reakciju.

Većina učesnika se složilo da je stanje u oblasti “Zdravlje i rekreacija” zadovoljavajuće, te je potrebno uložiti napor da se situacija održi ili poboljša. Dok šest učesnika smatra da je stanje u ovoj oblasti zabrinjavajuće, situacija zahtjeva ozbiljnu društvenu reakciju.

Predstavnici mjesnih zajednica su se izjasnili da je “zdrava”, “vitalna” zajednica u okviru oblasti “Zdravlje i rekreacija” mjesto u kojem svi građani imaju pristup zdravstvenim uslugama, te uređene staze za rekreaciju i parkove.

Ono što je dobro u zajednici u oblasti “Zdravlje i rekreacija” da postoje sportski klubovi i fitnes centri, kao i da su dobre zdravstvene usluge.

Ono što treba poboljšati u zajednicama na području općine Kalesija je broj ljekara u odnosu na stanovništvo, treba ukinuti nargile u javnim lokalima, poboljšati čekanje na specijalističke preglede, te korigovati esencijalnu listu, poboljšati kvalitet lijekova.

Za oblast “Rad, zapošljavanje, ekonomija i poduzetništvo” većina učesnika se izjasnila da je stanje u ovoj oblasti zadovoljavajuće, te je potrebno uložiti napor da se situacija održi ili poboljša, pet učesnika misli da je stanje zabrinjavajuće, situacija zahtjeva ozbiljnu društvenu reakciju, a samo jedan učesnik misli da je stanje u ovoj oblasti odlično, možemo biti uzor drugima.

Kada govorimo o ovoj oblasti građani su se izjasnili da “zdrava”, “vitalna” zajednica treba da ima minimalnu nezaposlenost 6% , neto plata 1000KM, poštivanje zakona, te usklađeno školovanje sa tržištem rada.

Ono što je dobro u općini Kalesija je da se posao može naći, ali su niske plate, te da se poštuju prava radnika.

Treba poboljšati svijest građana, odnosno kako ne bi bili podložni korupciji, uskladiti školovanje sa potrebama rada, neto platu uskladiti sa potrošačkom korpom, poboljšati potencijale za turizam (žičara Vis), poboljšati administrativne procedure za preduzeća i preduzetnike, te poboljšati standard života.



## Zdravlje i rekreacija

### Građani su rekli

#### Kako izgleda „zdrava“, „vitalna“ zajednica?

- da svi građani imaju pristup zdravstvenim uslugama,
- uređene staze za rekreaciju i parkove

#### Šta dobro funkcioniše u vašoj zajednici?

- postoje sportski klubovi i fitnes centri,
- dobre zdravstvene usluge

#### Šta se može poboljšati u zajednici?

- broj ljekara u odnosu na stanovništvo,
- treba ukinuti nargile u javnim lokalima,
- poboljšati čekanje na specijalističke preglede te korigovati esencijalnu listu i kvalitet lijekova

## Rad, zapošljavanje, ekonomija i poduzetništvo

### Građani su rekli

#### Kako izgleda „zdrava“, „vitalna“ zajednica?

- nezaposlenost 6%, minimalna
- neto plata 1000KM,
- poštivanje zakona,
- usklađeno školovanje sa tržištem rada

#### Šta dobro funkcioniše u vašoj zajednici?

- ima posla, ali su niske plate
- poštuju se prava radnika



### **Šta se može poboljšati u zajednici?**

- poboljšati svijest ljudi, odnosno mjesto bez korupcije,
- uskladiti školovanje sa potrebama rada, neto platu uskladiti sa potrošačkom korpom,
- potencijale za turizam (žičara Vis),
- poboljšati administrativne procedure za preduzeća i preduzetnike,
- poboljšati standard života

### **Šta ja mogu uraditi da dopinesem izgradnji zdravije i bolje zajednice?**

- potičemo građane da voze bicikla
- okupljamo se, družimo i organizujemo putovanja